

Մանկտի՛ք, երբ ի տաց նըստի՛ք, ձենեցե՛ք աղթատք ձեզ ընկեր.
Մեռնի՛ք ' և ի յանդէն երթայ՛ք, կու նըստի՛ք քանց մէկ մ'այլ ի վեր:

Խ Է .

Ելայ ժողվեցի գիմ մեղք ու դըրի առջեւս ու լացի.
Յանդէնըն կարվան կ'երթար, շալկեցի ' և ի հետ գընացի.
Յրաշտակն այլ ի դէմս ելաւ թ' «Ո՞ւր կ'երթաս ողորմի ու լալի.
Այդ շալկիկդ որ դու ունիս՝ անդէնին քեզ տեղ չի ընկնիր:

Խ Ը .

Մէկ մարդ մի ճուհար ունէր ' և ի խելաց շահել չըկարաց.
Չինչ խելքն ի վերայ եկաւ՝ նայ գընաց ճուհարն ի ձեռաց.
Գընաց նա ի վայր նըստաւ ողորմիկ ու շատ մի իլաց.
Նոր լացն այլ ի՞նչ շահ է երբ գընաց ճուհարն ի ձեռաց:

Խ Թ .

Յոգին հողվըրտովն անցաւ ու գմարմինն ի հողն անիծեց,
Թէ «Չմեղքն ես ու դու արաք, յանդէնն ի՛մ երեսն ամաչեց»:
Մամինն ի հողուն ի դուրս այս խօսօք գհովին վըճարեց,
«Ես հող էի՝ հող դարձայ, քո ամալն է որ գքեզ պատրեց»: